

0309

R B395 DEB
MAHATHIR-JAMUAN

I

KUALA LUMPUR, 26 JUN (BERNAMA) -- PERDANA MENTERI, DATUK SERI DR MAHATHIR, MALAM INI MEMBIDAS PERSATUAN PROFESIONAL YANG MEMPERGUNAKAN BADAN TERSEBUT UNTUK TUJUAN LAIN.

+TERLALU BANYAK PERSATUAN BERMULA SEBAGAI PERSATUAN PROFESIONAL TETAPI KEMUDIANNYA MENYIMPANG KEPADA ISU-ISU SAMPINGAN,+ KATANYA.

PERDANA MENTERI MENYERU SEMUA PERSATUAN PROFESIONAL SUPAYA MENUMPUKAN TENAGA KE ARAH MENINGKATKAN PROFESION Masing-Masing.

KERAJAAN, KATANYA, INGIN MELIHAT PERSATUAN-PERSATUAN PROFESIONAL LEBIH MEMIKIRKAN USAHA MENINGKATKAN PROFESION DARIPADA TERLIBAT DENGAN ISU-ISU YANG BUKAN DALAM BIDANG MEREKA.

+SAYA PERCAYA PERSATUAN MASTER BUILDERS MALAYSIA (MBAM) SEDAR PENUH AKAN PROFESION MEREKA DAN BERHARAP KEADAAN SEDEMIKIAN AKAN TERPELIHARA,+ KATANYA SEMASA BERUCAP PADA MAJLIS JAMUAN MALAM SEMPERNA ULANG TAHUN KE-34 PENUBUHAN MBAM. -- LAGI

0008MST 27 06 88

R B396 DEB
MAHATHIR-JAMUAN 2 KUALA LUMPUR

+SAYA JUGA YAKIN PARA PEMBINA TEMPATAN SEDAR AKAN KEPERLUAN UNTUK SENTIASA MENINGKATKAN KEMAHIRAN MEREKA SUPAYA PROFESION DAN PERSATUAN MEREKA DIHORMATI,+ KATANYA.

HASRAT UNTUK MEMELIHARA DAN MENINGKATKAN MUTU KEMAHIRAN SERTA ETIKA KERJA AMAT DIPERLUKAN OLEH MBAM DAN KHUSUSNYA, NEGARA, TAMBAHNYA.

PERDANA MENTERI JUGA BERKATA MALAYSIA SEDAR AKAN SUMBANGAN MBAM KEPADA NEGARA DAN MEMUJI PARA PEMBINA TEMPATAN YANG DISIFATKANNYA SEBAGAI SECEKAP DAN SEMAHIR PEMBINA ASING.

KETIKA MENGULAS SARANAN OLEH PRESIDEN MBAM, TAN SRI YEOH TIONG LAY, DALAM UCAPANNYA TERDAHULU ITU, PERDANA MENTERI BERKATA SARANAN ITU +AMAT BAIK DAN TIDAK AKAN DILEPASKAN TANPA PERTIMBANGAN+.

KERAJAAN, KATANYA, AKAN MEMPERTIMBANGKAN SARANAN ITU SEBELUM MEMBUAT SEBARANG KEPUTUSAN. -- LAGI

0051MST 27 06 88

R B397 DEB
MAHATHIR-JAMUAN 3 KUALA LUMPUR

DALAM UCAPANNYA, TAN SRI YEOH MEMINTA KERAJAAN SUPAYA MENKKAJI SEMULA HARGA BAHAN-BAHAN PEMBINAAN YANG UTAMA, YANG DISIFATKANNYA SEBAGAI TINGGI.

KATANYA, KAJIAN SEMULA HARGA TERSEBUT KE TAHAP YANG MUNASABAH AKAN MENGGALAKKAN PELAKSANAAN LEBIH BANYAK PROJEK, LANTARAN MENINGKATKAN PERTUMBUHAN DALAM INDUSTRI ITU.

PERDANA MENTERI YANG DIIRINGI ISTERINYA, DATUK SERI DATIN PADUKA DR SITI HASMAH ALI, JUGA MENYAMPAIKAN ANUGERAH PRESIDEN SEUMUR HIDUP KEPADA TAN SRI YEOH DAN SIJIL PENGHARGAAN KEPADA PARA ANGGOTA MAJLIS MBAM. -- BERNAMA

0053MST 27 06 88